

## SAGLASNOST ZA OBRADU LIČNIH PODATAKA

UNIQA ovim putem obavještava klijenta da obrađuje lične podatke u svrhu postizanja legitimnih ciljeva i u opsegu potrebnom da bi se ispunile sljedeće svrhe: ispunjenje obaveza predviđenih važećim propisima, u svrhu kreiranja zajedničke baze klijenata, radi izvršavanja svojih ugovornih obaveza po osnovu ugovora o osiguranju, u svrhu mjera dubinske analize klijenta, u svrhu sprečavanja pranja novca i finansiranja terorizma, u svrhu procjene reputacijskog rizika, radi pružanja proizvoda/usluga, za realizaciju i administriranje proizvoda i usluga koje pruža, za realizaciju naplate potraživanja, radi zaštite od povreda prava UNIQA-e, za potrebe izvještavanja i upravljanja rizicima, za svrhu sprovođenja statističkih istraživanja, analiza klijenata, proizvoda, usluga i ostalih finansijskih pokazatelja, istraživanja tržišta i zadovoljstva klijenata, radi reklamiranja ponude proizvoda i usluga UNIQA-e.

Mogući korisnici ličnih podataka koje klijent dostavlja UNIQA-i su regulatorna tijela i državni organi kojima je UNIQA dužna da dostavi podatke u skladu sa regulatornim okvirom, Agencija za zaštitu ličnih podataka, Agencija za nadzor FBiH i Agencija za osiguranje RS, policijska i druga sigurnosna i/ili zakonom propisana tijela na svim nivoima (općinski, kantonalni, entitetski i državni nivo), druga osiguranja, banke, članice UNIQA Grupe, dioničari, organi upravljanja i zaposlenici UNIQA-e, lica sa kojima UNIQA ima zaključene ugovore o poslovnoj saradnji, a koji su neophodni za realizaciju poslovnog odnosa ili su u vezi sa poslovnim odnosom UNIQA-e i klijenta. UNIQA lične podatke može dostavljati pravnim i/ili fizičkim licima određenim u ovom obavještenju i saglasnosti. Klijent svojim potpisom potvrđuje da je prethodno obaviješten o namjeri i svrsi korištenja podataka, informacija, činjenica i okolnosti koje su UNIQA-i bile dostupne ili će biti dostupne tokom izvršenja ovog ugovornog odnosa, kao i o svom pravu da se tome usprotivi.

Davalac ove saglasnosti daje izričitu neopozivu saglasnost i dobrovoljno pristaje da njegovi lični podaci, informacije, činjenice i okolnosti, koje su UNIQA-i, kao kontroloru, stavljene na raspolaganje u svrhu potpisivanja ugovora o osiguranju kao i one podatke koji će UNIQA-i biti dostupni tokom izvršenja ugovornog odnosa, uključujući i podatke, predmete i isprave koji se smatraju poslovnom tajnom, UNIQA može slobodno prikupljati, organizovati, pohranjivati, prerađivati ili mijenjati, uzimati, koristiti, prenositi ili na bilo koji drugi način obrađivati u skladu sa Zakonom o zaštiti ličnih podataka, uključujući:

- članicama UNIQA Grupe u inostranstvu u gore navedene svrhe, te utvrđivanja da li klijent ima prema odredbama Foreign Account Tax Compliance Act-a (u daljem tekstu: FATCA) FATCA status;
- Poreznoj upravi Sjedinjenih Američkih Država (u daljem tekstu: IRS) u svrhu ispunjenja obaveza i provođenja FATCA aktivnosti, i to samo u slučaju da korisnik računa ima FATCA status;
- trećim subjektima koji na osnovu ugovora o poslovnoj saradnji UNIQA-i pružaju usluge i izvršavaju poslove koji proizlaze iz osnovne djelatnosti pružanja usluga osiguranja ili su potrebni ili su u vezi s izvršavanjem ovog ugovornog odnosa, a u svrhu njegove realizacije;

Klijent daje izričitu saglasnost za obradu podataka u marketinške svrhe i za obradu podataka u svrhe profiliranja i automatske obrade podataka, kao i saglasnost za prikupljanje posebne kategorije ličnih podataka koji su neophodni za realizaciju ugovora o osiguranju.

Ličnim podacima, informacijama, činjenicama i okolnostima za koje se daje saglasnost za obradu i prenošenje, smatraju se naročito: ime i prezime, datum i mjesto rođenja, državljanstvo, jedinstveni matični broj (JMBG), identifikacioni broj poreskog obveznika (u SAD "TIN"), broj lične/osobne iskaznice i pasoša/putovnice, adresa prebivališta i boravišta, adresa „na ruke“ ili za „zadržavanje pošte“, kontakt telefon, e-mail adresa, spol, podaci o bankovnim računima, podaci o zdravstvenom stanju, ali i svi drugi podaci koji će UNIQA-i biti dostupni tokom izvršenja ugovornog odnosa.

Klijent ima pravo zahtijevati pravo pristupa i pravo ispravke podataka koji se na njega odnose u skladu sa članom 27. Zakona o zaštiti ličnih podataka. Svoju saglasnost klijent potvrđuje svojeručnim potpisom i ista važi do opoziva od strane klijenta koja mora biti dostavljen u pisanoj formi.